



~~4958~~
4958

Broj: 0101-12016-1/21
Sarajevo, 29. 11. 2021. godine

Bosna i Hercegovina
Federacija Bosne i Hercegovine
KANTON SARAJEVO
Skupština Kantona Sarajevo
N/r: gosp. Elvedin Okerić
71 000 SARAJEVO

Bosna i Hercegovina
Federacija Bosne i Hercegovine
Kanton Sarajevo - 1-12-2021

01	04	40137-61-750
----	----	--------------

Predmet: Odgovor na zastupničku inicijativu zastupnice Amre Hasagić, *dostavlja se*

Veza vaš akt broj: 01-04-40137-61/21 od 18. 11. 2021. godine

Poštovani gospodine Okerić,

U vezi sa inicijativom uvažene zastupnice Hasagić obavještavamo Vas o sljedećem:

Na 39. Radnoj sjednici održanoj dana 09.07.2021. godine Skupština Kantona Sarajevo donijela je Odluku o usvajanju Izvještaja o radu Univerziteta u Sarajevu za 2020. godinu sa finansijskim izvještajem (Službene novine Kantona Sarajevo, broj 28/21). Poglavlje pod nazivom *Izgradnja i održavanje kampusa*, a koje je bitan dio Izvještaja, sadrži informacije o Projektu izgradnje i opremanja Univerzitetske biblioteke u Sarajevu u čijem sastavu je predviđena čitaonica kao i prostor za rad na računaru.

Nakon godišnjeg Izvještaja Univerziteta u Sarajevu (2020) uslijedio je Polugodišnji Izvještaj o radu Univerziteta u Sarajevu za period 01.01.2021 do 30.06.2021. godine koji je usvojen na 29. elektronskoj sjednici Senata Univerziteta u Sarajevu 22. 07. 2021. godine. Aktivnosti na projektu vezanom za izgradnju i održavanje Kampusa, konkretno Projektu izgradnje i opremanja Univerzitetske biblioteke u Sarajevu nastavljene su i u ovom periodu.

U nastavku prenosimo informacije iz sadržaja imenovanog poglavlja.

Direkcija za izgradnju i održavanje Kampusa Univerziteta u Sarajevu je, u toku prvih šest mjeseci 2021. godine, poduzela sljedeće aktivnosti na poslovima vezanim za dva investiciono najvažnija projekta za Kampus UNSA: (1) na projektu **izgradnje i opremanja Univerzitetske biblioteke u Sarajevu**, i (2) projektu „Sarajevo Campus Regeneration Project“ koji Univerzitet u Sarajevu provodi uz podršku Kantona Sarajevo i Evropske Investicijske Banke.

Projekat izgradnje i opremanja Univerzitetske biblioteke u Sarajevu

U toku prve polovine 2021. godine desilo se više ključnih aktivnosti koje je Direkcija poduzela na realizaciji projekta izgradnje i opremanja biblioteke Univerziteta u Sarajevu kako slijedi: (i) okončanje procesa pretkvalifikacije za izvođača radova, (ii) uklanjanje objekta br.36 na lokaciji planiranog objekta,

(iii) izmještanje postojećeg toplovoda između objekta CIS-a i zgrade ETF-a, te (iv) izrada nedostajuće projektne dokumentacije.

Okončanje procesa pretkvalifikacije za izvođača radova

Poziv za dostavu ponuda u procesu pretkvalifikacija za izbor ponuđača za izvođenje radova na projektu izgradnje Univerzitetske biblioteke je trajao od 22.01.2019. kada je objavljen prvi poziv, do 24.12.2019. kada je objavljen posljednji, četvrti poziv. Osnovni razlog za četiri objave poziva je zahtjev Saudijskog fonda za razvoj da minimalno pet ponuđača učestvuje u postupku kao uslov za okončanje procesa pretkvalifikacija. Nakon primitka ponuda i njihove preliminarne ocjene, Komisija u postupku pretkvalifikacije je izradila evaluacijski izvještaj, te donijela zaključak koji nije odobren od strane Upravnog odbora Univerziteta u Sarajevu. U nastavku je Pretkvalifikacijskoj komisiji naloženo da izvještaj dopuni pojašnjenjima, te da detaljan Izvještaj Evaluacijske komisije o provedenom procesu pretkvalifikacija, u skladu sa Uputstvom za provođenja postupka, nanovo dostavi kako bi se postupak pretkvalifikacije mogao okončati i dobiti „no-objection“ od strane SFDa.

Obzirom da je i prije toga proces pretkvalifikacije trajao izuzetno dugo, Komisija je odlučila da ostvari dodatnu komunikaciju sa prijavljenim ponuđačima, te zatražila njihovu potvrdu interesa za nastavak učešća u postupku nabavke i dopunu prethodnih pretkvalifikacijskih ponuda. Nakon primitka pojašnjenja i pregleda dostavljenih dokumenata, Komisija je sačinila Detaljni izvještaj koji je Univerzitet u Sarajevu finalno zaprimio i usvojio 5. aprila 2021. godine, sa zaključkom o tri pretkvalificirana konzorcija/firme, koje u nastavku trebaju dostaviti finansijske ponude za izgradnju objekta.

Uklanjanje objekta br.36 na lokaciji planiranog objekta

Rušenje postojećih objekata u Kampusu UNSA – preciznije Objekta 36, je dugi niz godina predstavljalo poseban izazov obzirom da su nadležne službe Općine Novo Sarajevo, u postupku koji je kod ovog organa vođen od 2016. godine, odbijale izdati potrebnu saglasnost. Problem je predstavljala činjenica da predmetni objekat nije upisan u općinskom katastru, te se služba Urbanizma u ranijem postupku ogradila od mogućnosti izdavanja saglasnosti za uklanjanje objekta, obzirom da se ista može izdati isključivo za uplanjene objekte za što je neophodno prezentirati građevinsku i upotrebnu dozvolu. Direkcija za izgradnju i održavanje Kampusa UNSA je uputila žalbu drugostepenom organu, koji je istu uvažio i postupak ponovo vratio na lokalni organ uprave. Predstavnici Direkcije su u nastavku ostvarili blisku saradnju i koordinaciju sa novoizabranim rukovodstvom općine, te su iznašli rješenje za pomenuti problem, koji je u konačnici rezultirao uklanjanjem predmetnog objekta u junu 2021. godine.

Izmještanje postojećeg toplovoda između objekta CIS-a i zgrade ETF-a

Nakon što su u prethodnoj godini otkočeni procesi odobravanja izgradnje, te nakon provedenog postupka javne nabavke za izvođenje radova, Direkcija za izgradnju i održavanje Kampusa UNSA je pristupila izvođenju radova na izmještanju postojećeg toplovoda između objekta CIS-a i zgrade ETF-a u periodu april-juni 2021. godine. Završetkom ovih radova, okončavaju se aktivnosti na uređenju i pripremanju građevinske parcele za izgradnju objekta Univerzitetske biblioteke, što je bila direktna odgovornost i zadaća Univerziteta u Sarajevu.

Izrada nedostajuće projektne dokumentacije

Za potrebe izgradnje Univerzitetske biblioteke, i u skladu sa prethodno preuzetim obavezama, Univerzitet u Sarajevu je bio u obavezi izraditi izmjenjeni projekat Osiguranja građevinske jame, što je nakon provedene nabavke povjereno firmi Winner d.o.o. iz Sarajeva, koja je dokumentaciju izradila i dostavila Univerzitetu u Sarajevu u junu 2021. godine.

Osim toga, za potrebe ishođenja potrebnih saglasnosti, a u skladu sa uslovima iz urbanističke saglasnosti, izrađena je i revidovana Investiciono-tehnička dokumentacija za izdavanje vodne saglasnosti za objekat UBUS u junu 2021.godine od strane firme Encos Sarajevo.

I finalno, cjelovita Tenderska dokumentacija za dostavljanje finansijskih ponuda od strane pretkvalifikovanih izvođača je priređena po pravilima SFD-a i FIDICa (crvena knjiga), revidovana od strane imenovanog tima na poslovima Tehničke asistencije, te upućena Saudijskom fondu za razvoj na pregled i odobrenje, nakon čega se može pristupiti upućivanju zahtjeva za dostavu ponuda.

S poštovanjem,



Akt sačinio: f - n
Nina Dragičević
rukovoditeljica Sl

Akt kontrolisao:
prof. dr. Dženana
prorektorica za na.....a

Sa sadržajem akta saglasan i uskladenost sa čl.126
Zakona o visokom obrazovanju („Službene novine
KS“, broj: 33/17, 35/20, 39/21) potvrdio:

Generalni sekretar, Ken vić, dipl.iur.

Dostaviti:

- ☉ Naslovu
- Službi za nastavu
- a/a